



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五二七

石園全集十二卷（石園文稿初集一卷石園文稿二集二卷石園詩話二卷

石園集句二卷石園偶錄二卷石園集杜一卷石園詩草二卷） 余成教撰 一

希齋詩存四卷希齋文鈔二卷 高學濂撰 二〇五

藤花書屋遺稿四卷 吳其彥撰 三六七

亦政堂詩集十二卷 劉 珊撰 四三一

亦政堂續集三卷 劉 珊撰 五五一

委蛇雜俎二卷 劉 珊撰 五七一

鍾山草堂遺稿三卷（鍾山草堂文一卷鍾山草堂雜憶錄二卷） 溫肇江撰 六〇七

公暇墨餘錄存藁二卷使黔集一卷 周鳴鑾撰 六七三

石園文稿

石園文稿初集目錄

奉新余成教道夫著

卷一目錄

元將軍廟記

玉雨樓記

店上記

謝氏允臧里記

重刊辛公鼎卿贊減瑞哀浮糧疏序

帥子文詩序

石園文稿

目錄

徐亦廬詩草序

集陸放翁文

陳雨漁四書試帖序

集黃山谷文

贈梁浣荃序

上表鄒氏重修家譜序

張山余氏重修支譜序

斐然遯英兩叔父七十朋壽序

許耀堂六十壽序

鄧秋崖先生七十壽序

鄧稽典七十壽序

鄒梁孺人六十壽序

熊涂孺人七十壽序

鑄人堂跋

集法言

知木堂跋

集漢文

崇實堂跋

息廬跋

答家素軒書

答門人某書

上吳玉松先生書

石園文稿

目錄

二

答吳藹人學士書

書魏稽古琴書遺子圖

書呂酉巒賈餘集

劉能甫字說

國子監生潘泊泉墓志銘

署曲江縣知縣前河間縣知縣徐公墓志銘

徐七公八公家傳

鄒舅父效南傳

胡藍水傳

熊吉山傳

劉宗周傳

劉文齋傳

黃玉圃傳

熊瑞雲傳

石園文稿

目錄

三

石園文稿初集卷一

奉新 余成教 道夫

元將軍廟記

元將軍廟明以前未立自明洪武中稱將軍附祀于左蠡山之湖神廟嘉慶十有四年江西巡撫先大中丞始立廟特祀奏請加號敕封顯應元將軍勒部咨於石將軍更著靈異于江之左右廟貌日增祀將軍者願記其事既書顛末爲之言曰

石園文稿

卷一

國家承平百數十載山川草木飛潛動植之物莫不効順咸若叠紀休祥其靈爽變幻似瑰奇裔取精稟質得氣之多棲神之厚者亦莫不誠格化應扶翊贊助驅除蕩滌以承

聖天子之德以樹偉績而著民庸蓋

治教昌隆淪浹無間其不識不知而一二挺拔于其類得以先後表著受封爵而享祭報者固神之廣於體物而我

國家久道化成無一物不得其所者卽靈物亦各盡

力呈能酬其庸錫之福而相與永承於萬年無極此其意固非顯愚所易測而有祈有報戴

君上之殊恩而感及江河之晏川澤之安莫或使之而情不自禁立廟設祭以達其感戴洵乎其洋洋奕奕相孚於起居食息者矣祀將軍者庶幾體立廟設祭之意而幸不廢墜也

石園文稿

卷一

二

玉雨樓記

新綠山房多植花木羣花皆愛獨不愛梨其音近離離則不易合也主人請曰不離何以見合離卽合之樞紐先生既不愛梨當改植合歡旣而架樓於池北去新綠山房二十步舊植梨所也添植合歡數十本顏曰少離多合樓郵書求記予愛梨卽合之樞紐一言不愛者轉而成愛更其名爲玉雨樓從主人所好也

石園文稿

卷一

三

店上記

鄧伯舟公徙居于桃岡之西三里去所居不遠有店後人名之曰店上友人燦章其後裔也索言于教教曰古之名其所居者其義有二東西南北前後上下其方向也山水湖嶺村莊橋坪其基址也以方向而加于基址名且紛紛矣至于店之名古罕見焉崔豹古今注店置也所以置貨鬻物也徐勉誠子書或欲創闢田園或勸興立邸店說文云店反爵之處古文與店通汲冢周書曰回阿反店註外向室也店之見于書傳者祇此數端伯舟公居于店上其南數百步爲仙米嶺相傳其地常有米出故名乃不以是爲名又不別錫以佳名而獨質其詞于店上想見務實崇樸不尚浮誕之意慎勿謂昔之人無聞知而拙于名其地也

石園文稿

卷一

四

謝氏允臧里記

念昔先人于邑于謝肅肅謝功亦孔之厚矣以似以續何用不臧其在于今無念爾祖職思其居視爾不臧廼陟南岡薄言有之我取其陳旣入于謝相其陰陽度其隰原作之屏之廼左廼右經之營之爰居爰處築室于茲俾臧俾嘉子子孫孫永以爲好也人亦有言旣景廼圖揖我謂我臧兮未知臧否言念君子予豈不知而作謀之其臧卜云其吉悠悠我里終焉允臧

石園文稿

卷一

五

重榮辛公鼎卿贊臧瑞袁浮糧疏序

儒者戴縱垂纓均分顯路平政以齊民膏澤洽乎黎庶遐哉尚矣此外出守股肱中心欣然愛人人被其澤一命之士苟存心愛人於人必有所濟其餘乘天衢而騁雲路九族蔭其餘暉鄉閭私其小惠旣絕故老之口必資不刊之書勇猛能操切百姓考殿最以錙銖者不復論吾嘗讀真文忠公江東漕到任謝表云官無定證之簿書里有難平之徭役未嘗不爲之掩卷嘆息也我

石園文稿

卷一

六

朝順治十年命入覲大吏陳地方利弊江右布政使莊公應會僉事安公世鼎同奏瑞袁二郡賦重下其章於戶部置吏覈實得

旨減免始終其事實出於萬載辛公鼎卿是舉也糜已貲三百金爲勾當之費事賴以集除前明三百年之民累而利垂於今日公爲吾友德華七世祖幼學具曉大義孝事寡母應辟爲邑椽由郡曹吏于藩使西通經理各郡錢糧授冠帶好節尚奇趨人之急卽臧賦一舉可以見其處心積累矣袁瑞之困於浮賦

也瑞爲甚袁次之洪武初瑞有妄希爵賞者以僞漢陳友諒一年借支正副之冊進遂于原額外增十餘萬後高安有父老赴愬奸民雖伏罪而賦額已定是時僞將歐祥據袁州遣子納土其子誤以三升之鄉斗報作十升之官米每畝多糧八升而袁賦亦重自明以來殘黎請命撫按交疏章三四上不獲寬汰上有重賦之空名下受鞭扑之實害纍纍逋稅完納維艱使兩郡之民不遇

聖世深仁又安能遽甦積困坐席嘉祥也乃公以一

石園文稿

卷一

七

吏勞心輸費左右贊襄使瑞屬之糧二十二萬五千之浮數仍復宋元一十二萬五千之原額袁屬之糧每畝一斗六升七八合之誤科減照新喻上則每畝九升三合之實賦公功之永百世無窮宋儒黃勉齋謂凡人功業不必仕宦隨分及物卽功業矣今觀于公所爲益信公之後嗣彙疏與兩郡文移梓而藏于家歲久漶漫德華重事剗剗爲之序其始末吾聞德厚者積而逾昌辛氏之人文駸駸盛矣讀是疏者有以知其先澤之永也

帥子文詩序

詩體有古今之分其緣時託志觸物寫懷者無分也詩格有唐宋之別其忠厚悱惻諷諭戒勉者無別也蓋歷數十年無不變之風氣而詩品各有其至經千百載有不竭之精華而詩名均有所專以六代而論劉公幹之峭拔陸士衡之整瞻阮嗣宗之淡遠左太冲之健逸陶靖節之真粹謝陳郡之清雅鮑明遠之超麗謝元暉之爽朗皆其至也兼而爲一大宗者曹子建也以盛唐而論王子安楊盈川之繁富陳伯玉

石園文稿

卷一

八

杜必簡之孤高沈雲卿宋延清之精切儲兗州孟襄陽之閑曠高常侍岑嘉州之渾厚王右丞李大白之風華王少伯之神秀常盱眙之幽潔皆所專也兼而集其大成者杜子美也自盛唐而下專且至者凡數十家兼衆妙者不易觀矣擅一長者足以傳矣是由於學詩者意有所主則不能無左右袒質有所近則不能決進退藩加之才識有短長學力有深淺性情有厚薄音聲有正變所以體有古今之分而格有唐宋之別也吾友子文幼有奇才長遂博貫載籍網羅

衆家于書三過五抄刊改漏失諸序論筆勢縱橫其鋒森然少敢當者一時盛作巧心妍手多變舊體有新意詩則綜採繁縟抒軸清英下筆成章豐約中度自癸亥迄今都爲數卷嚴於選取多所刪汰謂教不鄙畧述以言子文風姿英爽弱齡卽名動公卿而介然不羣罕有知其造詣之深者夫古人相知未必在早吾與子文同里訂交情如昆弟自夕申旦雅相欽挹自愧能薄而才謏比之作者猶一醖之酒不可以方九醖之醇耳然詩家得力頗能約畧言之吾鄉詩

石園文稿

卷一

九

人多矣遠者難爲條品近獨心折於蘭臯方伯子文行且繼名名貴學窮書圃以雲飛海泳之才馳騁古今其珠零錦粲又當何如也子文自序有云蘭臯方伯俊上之才深醇之思創意清新發唱驚挺斯言也卽以之評子文今日之詩可乎至于體學何代格效何人至與專之奚似而欲以之定子文駿駁日上之詩非溢則隘均非所以待吾子文也

徐亦盧詩草序

集陸放翁文

吾友徐君自少時旣承家學心體而身履之初苦貧無以養乃教授諸生以自給其勤苦殆有非甕人子所堪者間亦吟諷爲長謠短章楚調唐律酬答風月煙雲之態度講解誦說以垂後進無窮之訓其詞多宛轉深切讀之動人胸中恢疎勇於爲義至他文亦皆豪奇因相與論東坡詩慨然謂予詩豈易言哉先生天姿卓偉方落筆時欣然自得悠然遐想尚不失斯人之本意豈補綴百家衣者耶因舉一二事以質

石園文稿

卷一

十

之曰非爲集句設也本以成其詩耳當作一書以遺學者某文旣不工聞道又甚淺則今所以進于左右者其果近乎一讀置之他日又言之有詩百餘篇欲出則不敢欲棄則不忍從之遊者不過四五十輩而屬爲序旣不得辭於是相與刻之願序以數十語予聞而歎曰子爲人深靜簡遠不富貴必壽考故吾以此事相期及新詩來已深開慰又得雜著詩文一編置百事讀之至今想其抵掌笑語瞭然在目前賢子表表超絕當爲名士不止取科第而已是亦有道焉

講習磨礱之益深矣乃寓吾歎以慰其子惟日夜從事于塵編蠹簡中至食不足不問也故書以予之

石園文稿

卷一

七

陳雨漁四書試帖序 集黃山谷文

論語一書孔子之門人親受聖言義理之會也由孔子以來求其是非趨舍與孔子合者惟孟子一人治經之法不獨玩其文章談說義理而已以其枝葉占其本根然後嘗古人糟粕而知味矣噫來陳子因難而見巧以宮商考之則動而中律大率作詩句法清壯用事穩貼因時記事不專爲小物役思嘗悉見其平生詩如此篇是得意處忙時讀數過辭皆爾雅次其詩爲若干卷古人不難到也

石園文稿

卷一

七

贈梁浣荃序

梁浣荃自粵歸過豫章遍咏名蹟西山南浦徐亭滕閣之勝收入錦囊買舟將載之而去於其去也酌而誨之曰女子善懷詩言之矣詩言志歌永言聲依永律和聲書有明訓矣雖然婦人以德爲重才次之有才能斂才可久且夫山水之間亦當廉也天下山水名勝多矣豈惟豫章所貴乎才之清識之精學焉而成不草草於爭名慎爾鳴矢德音於爾後生旣和平

石園文稿

卷一

十三

上表鄒氏重修家譜序

邑志隱逸傳首載鄒垣法城鄉人唐宣宗龍潛時與垣爲友嘗幸其宅後徵入朝累辭不赴賜號清隱居士人因名其地曰駕山修志者僅據人物志採入先子千之先生爲故縣鄒氏增以清隱居士潛德幽光缺載唐史邑乘亦復簡畧博稽羣籍別爲立傳蓋以江右鄒氏系出駕山者多則清隱當爲鄒氏一大宗不獨本傳當闡發其潛德幽光而鄒氏後賢有志家乘者亦當詳其派別慎信闕疑宗其所據足以信

石園文稿

卷一

十四

今而傳後不在撫拾范陽敷陳曹國嘯寒谷而侈梁園作僞崇浮粉飾簪纓貽議大雅于譜牒之義無當也上表鄒氏戶口甚約而習俗恂謹重修支譜踴躍從事與教里閭相近重以嫻好囑爲之序獲覽其遷徙始末其始祖公達由駕山遷居羅田宋寧宗時也三世元祐元至元時由羅田遷居新建紫英五世慶時明初由紫英遷居石尚七世仲甫以洪武壬申贅于奉新北鄉上表張氏張氏中替仲甫遂爲上表始居支祖據此則上表分于駕山而清隱居士其大宗

也親近既詳疎逃自畧何取于作僞崇浮粉飾簪纓也哉世之通譜連族者自侈名宗華胄誣罔顛倒而不自知其戾古踰法廢物難售也施愚山序人族譜有云戶詩書而家禮讓崇本尚實孝弟力田族不必皆賢而向善者衆有弗類者恥之讓之其賢者慕效之然後可起其澆薄吾願鄒氏後起諸賢世守斯言端其本而善其末積厚流光庶幾永清隱之遺緒于不盡也

石園文稿

卷一

七

張山余氏重修支譜序

邑西南十五里地曰張山權支下二十三世祖孟清公由車坪遷居于是表裏皆山屈曲蜿蜒望衡接宇環衛中谷相原觀泉迴異常宅居此近十世矣人皆樸實各務本業有孝友任恤之風無狙詐鬻凌之習治比聚處稱善俗焉祖父之遺訓固有以基其和順亦由於地氣厚而世澤長得與樂業安居寬俯仰而綿似續也嘉慶戊辰教忝鄉薦展序宗誼諸父老懽然握手互相慰勉風塵輾轉曠未過從戊寅之春重

石園文稿

卷一

十六

訂支譜屬述以言竊以吾余氏之得姓始自由余而余氏之大宗同祖孝頃稽之史冊按之譜牒灼然無疑矣彼謂由余之後四十五世而傳孝頃孝頃之後由車坪而徙長茅由長茅而復徙車坪衆說紛紜均不必辯蓋事有足徵卽宗其所當宗說無可據卽畧其所當畧譜牒之義在於敦本厚族慎信存疑不必支蔓葛藤徒滋議論也請言其所重者方氏發如有曰緣姓有氏緣氏有族有族而有別子有繼別繼嗣自是遞衍於無窮凡此皆由合而分也分則難合譜

則有以合之而或誇目尚奢攀鱗附翼非所合而合之李義府徑連於趙郡杜正倫求並於城南趙相以巫爲姑羅威冒隱爲叔旣以草而混苗必有鋤其苗而去之者而宗法亂矣吾族宗法綦嚴茲修復加詳審不敢稍有攀附獨惜前賢諸序言繁稱遠引博採旁摭徒飾閒文何關得失則盍不舉古之敦本厚族者以相勗也彙譜爲敦本之一端其要則重孝友歷代義門見于各史孝義孝友傳者南史十三人北史十二人唐書三十八人五代史二人宋史五十人元史五人明史二十六人其名氏茲不具述約舉一節敬告宗人魏書載揚播及弟椿津五世同居家庭雍睦和氣致祥一門七郡守三十二刺史貴盛莫比至今以爲美談可知孝友之光延及萬葉有以繼之奚必古人獨擅美名也抑又聞之陶淵明日同源分流人易世疎慨然寤嘆念茲厥初此語尤爲有志家乘者所宜留意校錄旣畢喜吾宗善承祖父之訓樂業安居使張山繼跡于車坪故舉孝友之言以相慰勉期無負此善俗之稱也

斐然遴英兩叔父七十朋壽序

嘉慶十年九月二十九日爲斐然遴英二從叔七十壽辰兄弟學生貌相若性各有所近斐叔寬平和緩幼事商賈壯而治醫通內外科急於濟人不計值不責報遴叔天資爽朗不尚繁文縟節習舉業不售先後應試之作先君子亟稱之當教之就傳於外也業求竟宗族中罕知者叔獨不以菲材視屬望之誠而切教心知之他人不知也遇有疾苦斐叔爲醫治日夕殷殷愈而後止以故恙屢抱而旋安今兩叔年七

許耀堂六十壽序

古人所以爲壽者壽以實也今人所以爲壽者壽以名也壽以實者修之于內著之于外文其末節也壽以名者譽之于外承之于內文其見端也所貴乎爲之言者循名表實據其意所欲達力所能踐分所能致而已不在乎侈遇合述言行稱福履也許君耀堂世修內美席遺業而廣先澤爽朗之士也試未展其才入成均不復規進取適志農圃治家訓子晨夕坦懷配熊孺人有婦德能助夫子子若孫駸駸日起蓋

石園文稿

卷一

九

耀堂之遇亦耀堂之爽朗有以受而樂之也耀堂少時與鄧實夫同學白首而交不衰其姻家鄧燦章與實夫皆教世好實夫又教所師事者也與過從必述耀堂之賢因是而定交暇時數人相晤賓主脫畧不復道寒暄呼酒共酌縱談今古旁及先輩故老遺聞逸事與夫田家作苦鄉曲得失興酣劇論聽者忘倦其繼也則又必以讀書立品相砥礪回首定交時蓋已二十餘年如一日也數人中實夫最長今六十六歲燦章六十三歲教亦三十八歲矣耀堂則于六月

二日六十歲也仲冬之吉戚友製錦耀堂願得教一言謂其子孝念曰壽以名不如壽以實道夫嘗告我矣修之于內著之于外我所未逮譽之于外承之于內非我所欲也教聞是語謀于實夫燦章謂壽耀堂無取于溢美第述吾儕意所欲達者致之耀堂其必大快謂力所能踐者得良友之語領分所能致者之羅列堂皆呼酒共酌願長與素心人相與縱談砥礪永以爲好勝于縷縷頌禱也

石園文稿

卷一

二十

鄧秋崖先生七十壽序

士之可以壽世者出則建功立業處則經明行修經明則理明理明則審于自守能自守則理足而識正存諸中者有餘發于外者自篤實而不苟可以自壽亦可以壽世時命氣數之通塞不必計也秋崖先生經明行修困于諸生窮于鄉里守其身數十年矻矻至于老也嘉慶己卯十月五日年七十矣先生慎于取友如謝子韋況兆占謝依山暨成教輩不過數人同族聚首如吉士寬夫等亦不過數人而教與先生

石園文稿

卷一

三

相師友者三世矣儒生爲壽與所以壽其友隻雞斗酒無繁文縟節異乎世之稱觴揚解者然情不能默將謀于子韋兆占依山諸君文而進于先生先生聞而止之曰吾儕相知深矣文之適以滋愧吾父達人先生恬淡一衿不營心于外吾母慈善劬勞生吾兄弟七人少年逮養而缺雞豚諸兄因貧徙業季弟景南學而賣志今僅存一兄猶子九槐食餼遠逝三世庠籍不遇老病零落大懼失學無以紹吾故業弱冠習舉業銳于進取有捷于科名者驚豔其文間亦飾

章繪句求合有司繩尺覽吾文者深許之曰能久之不自信也年三十餘受業于尊甫千之先生誨以熟讀四子書繼而與論文畧示以文章源流升降之變是非離合真偽釐毫千里之差與夫作文首尾開合順逆淺深抑揚深縮點奪之法有得于心悔悟疇昔慮才短不足以充所學先生慰勞之曰善用汝長足以鳴其鄉師事未久退而講業迄今不敢倍然終無以自信也且夫文章一道體大而數廣吾文未知于時藝何若卽或出以示人而生長窮巷抑鬱韋布二

石園文稿

卷一

三

三知己外誰其重之子欲述以文記傳行狀之誦旣有所不出生平亦無可言無其實而文之不如隻雞斗酒約吾二三知己懽然一聚之爲快也教曰先生之論是矣吾儕所欲言者卽以先生之文之遇爲先生壽也自唐宋以詩賦論策取士士習日變王荆公創爲時藝前明取士之法因之尊四子之書斷以朱子章句敷陳辭義有質有文蓋以六經之精微盡于四子之書而立言不悖于聖賢本旨者自成化至嘉靖名家林立以王守溪唐荆川薛方山瞿昆湖歸震

川爲最隆萬而降樂簡易者入于禪學矣厭常近者矯以漢疏矣嗜奇險者掇拾諸子百家矣感時事者驅遣史傳以供議論矣其俚雜怪僻者無足論惟金黃陳艾六七君子其理確其詞雅馴其法錯綜變化而不離于正時藝之觀于茲爲的先生之從先君子遊也教尚孩提及其棄不肖也甫十三齡講學論文皆不獲耳受十七歲時嘗依先生匝月漁獵書傳爲文恣肆舍步趨而徊規矩先生非之少年負氣愛譽憚直不以爲然旋以膏火不給輟而索居先生每見

石園文稿

卷一

三

必戒以毋自恃遲之數年讀先生之文爽然自失謂得先正手法猶以爲簡約少味也是時先生每見必勉以毋輕于徇人遲之數年取向者所見讀之心折首肯有以知先生之文篤實不苟在方山昆湖之間而才力稍遜耳自是與先生相見必飲醉述舊故無他言有時與諸君聚首其懽懽甚蓋先生與諸君所見日遠而教亦非復故我矣他日吾黨中有得志者錄先生之文都爲一集庶幾以其自壽者壽于世則先生之可以以文爲壽者此其一也年三十餘而娶

四十而鰥鰥而復娶前此子然一身橐硯無長物今者子九章已壯盛且得三孫長者逾五尺矣兄弟之諸孤扶持使能自立矣諸女亦嫁而抱孫矣所謂子然一身者未三十年而稱大父此富貴壽考之儔所朝夕冀望不能必副者也者年多病屢瀕于危血氣雖衰志氣不靡以其可以壽世者隨時任運舉以自壽視世之無聞而擁厚福者何如則先生之可以以文爲壽者又其一也先生笑而領之退而書兩人私論張之于壁懸弧之日偕子韋兆占依山諸君洗爵以進先生當必懽然滿飲酌而壽諸君曰願得老翁年百歲花開酌酒勸良朋也

石園文稿

卷一

四